

## XENA RUINATSCHA, UNITAD NR. 1: CHAUNS MORTS NA GIAPPAN BETG



### 1. «TGE?»: CUNTEGN

<i>Med / material:</i>	<i>Tadlar / leger / tematisar il rg:</i>	<i>Temp:</i>
DC Xena Ruinatscha, text cun largias, feagl da soluziun	tadlar, leger	45 min.



### 2. «PER TGE?»: FINAMIRA(S)

<i>Finamira(s) approximativa(s):</i>	<i>Finamira(s) precisa(s):</i>
S sa regordan dal text e scrivan plets dal text tadlà.	S empleneschon il text cun largias dal FL.
S approfundeschan la lectura en rg.	S legian en moda drammatica l'aventura da Xena.



### 3. «CO?»: DECURS DA L'UNITAD

<i>Temp:</i>	<i>Decurs:</i>	<i>Metoda:</i>	<i>Material:</i>
15 min.	S survegnan il text cun largias. Durant tadlar l'aventura da Xena completeschan S directamain las largias.	lavor individuala	feagl cun text cun largias, DC
10 min.	S barattan ils feagls, en il plenum vegn legi l'aventura e directamain curregi il text da largias. Quest text è la basa per ils pass suandants.	plenum	soluziun
3 min.	Parter en gruppas da 6-7 S. Mintga S survegn ina rolla (pledadra/pledader – ev. parter la rolla sin 2-3 S, Xena, Baseli, Client, dunna veglia).	plenum	ev. cedels per far gruppas
10 min.	S exerciteschan en las gruppas a leger fitg bain en moda drammatica l'aventura da Xena. M passa tar mintga gruppa e gida.	lavor da gruppa	
7 min.	Mintga gruppa legia avant il text. S valiteschan en furma d'applaus. (La gruppa cun il pli grond applaus gudogna.)	plenum, preschentaziun	

## Chauns morts na giappan betg

**Pledadra/pledader:** I va adina tgunsch, sch'ins prenda a mauns ina nova lavur – uschia sun jau ida plain schlantsch en mes nov biro. El sa chattava al ..... da la chasa, nua che Baseli Cafoghel aveva sia pratica ..... . Baseli era mes partenari, el aveva manegià da magari pudair duvrar ina ..... per far retschertgas tar in da ses cas, uschia che nus avevan gist avert in biro da detectivs – cun mai sco detectiva. Ma ..... di n'hai jau betg spetgà blera lavur.

Sco emprim hai jau controllà mes ..... – ma l'inserat che Baseli aveva publitgà ier en la ..... n'aveva anc betg gi' effect. Nagin n'aveva reagì sin l'annunzia:

“Dovras ina ..... cun ferma ..... ?

T'annunzia tar ..... !”

**Xena:** (prenda giu il telefon) Ruinatscha! (pausa) Cun ferma ..... gea! (rir ironic - pausa, lura vilentada) Na, jau na gid betg a midar ..... ! (penda si) Quest stoda inserat! Jau avess fatg meglier da betg tadlar sin ....., quel advocat da la bell'aura! Quel n'ha nagin'idea da .....

**Xena:** (prenda giu il telefon) Pel ..... ! Jau hai bain ditg che jau ... aha, gea, Ruinatscha, la detectiva, perstgisai. Sa chapescha. Na, na, ina malchapientscha ...

**Pledadra/pledader:** Malgrà mias ..... eri gartegià da persvader l'um al telefon da mias qualitäts – mes emprim client. Igl ha fatg la parita dad esser ina lavur ..... – l'entschatta è dentant stada tut auter ch'in bel guardar ...

Mes client m'ha mussà il cadaver da ses ..... – in doberman che fascheva davairas nauscha figura.

**Client:** Insatgi ha dà tissi a ..... oz en damaun!

**Xena:** Lais betg ir cun Voss chaun tar in veterinari? Forsa n'è el betg vegnì tissientà, ma mort d'insatge auter ...

**Client:** Mort d'insatge auter – ma da tge pomai? Jau n'hai betg engaschà Vus per far da sabiutta, mabain per ..... tgi che ha dà tissi a mes chaun!

**Pledadra/pledader:** Damai che l'onurari n'era betg mal e ch'jau na leva betg gia tugnar tar mes emprim cas, sun jau ma mess(a) a la tschertga da fastizs. En il cup da magliar dal chaun eran anc restanzas, e tranter quellas propi tissi, quests graunins blau stgirs che tut quels han a chasa, als quals gia il pled “ ..... ” u “ratun” fa tut pel-giagina ...

*Il possessur dal chaun n'ha betg pudì dir, tgi che pudess esser stà il malfatschent, uschia hai jau discurre l'entir di cun ils ..... Ina lavur malempernaivla, oravant tut perquai che nagin na pudeva savurar ni chaun ni possessur. Ina dunna pli veglia ha manegià ch'ella saja cuntenta ch'il chaun saja davent.*

**Dunna veglia:** Vus stuais savair, quest chaun marsch ..... l'entir benedì di – ed il mender: el fascheva sia fatschenta en mes iert!

**Xena:** Na vegn betg ad esser! Ma forsa che cac chaun ha in effect positiv sin il svilup da la salata!

**Dunna veglia:** Tgi sa, ma mia salata crescha er uschia stupent – saja sco ch'i veglia, quest chaunochel na vegn mai pli a ..... insatgi!

**Pledadra/pledader:** *Il chaun era crappà, ils vischins cuntents ... ed il tissi era il sulet fastiz – in fastiz che na manava nagliur. Betg gist bunas premissas per l'emprim di da lavur d'ina detectiva!*

*..... era tut intgantà che jau aveva gia chattà lavur. El ha fatg ina visita per baiver in café – avant che sa deditgar a sia professiun sco advocat. Jau hai raquintà ad el las novitads dal di avant.*

**Baseli:** Lura bain, sche Ti es vi da schliar l'emprim cas. (baiva café)

**Xena:** I n'è betg simpel. Jau n'hai betg ..... tgenin dals vischins che avess pudì dar tissi al chaun!

**Baseli:** Forsa èn er stads tuts ensemen – per uschè dir: in'acziun comunabla. Cura che vischins èn nars, vegnan els sin da tuttas sorts ideas ... jau sai anc avant in pèr onns, cura che jau abitav'anc a ...

**Xena:** Baseli, jau n'hai betg ....., jau stoss ir!

**Baseli:** Ma ti es gea gist pir vegnida, Xena, tes .....

**Pledadra/pledader:** *Jau n'hai betg pudì star e tadar ina da sias ..... da pli baud – quai cuzzava adina in zic memia ditg per mes gust. E dal rest aveva el gì in bun patratg – jau stueva immediat far ina visita a mes client ...*

*Malgrà ch'ils vischins avessan gì buns motifs da ..... il chaun, pareva quai a mai tuttenina in pau absurd. Absurda era dentant er tschella varianta, ma mes instinct m'ha ditg da gist confruntar mes client cun mia idea.*

**Xena:** Daco avais Vus tissientà Voss ..... ?

**Client:** Jau ... Daco ..... Vus quai?

**Xena:** Jau sun detectiva – avais gia emblidà?

**Client:** Ma Vus essas gea anc noviza – e jau hai pensà ch'ina detectiva cun ferma bratscha haja forsa pauc en il chau ...

**Xena:** Jau vi be savair il ..... , lura savain nus laschar per bun – ed jau desist da mussar quant ferma che mia bratscha è propi!

**Client:** Savais, quest chaun giappava l'entir temp – ins vegniva mez or da la suna. Tut mes vischins han ditg che jau duaja laschar ..... el. Jau hai adina ditg che jau vegnia da dressar il Cuno, ma el na chalava betg cun ses giappim ...

**Pledadra/pledader:** *Per betg stuair conceder ch'el haja ..... , ha mes client lura duvrà tissi – ed ha uschia schlià dus problems en ina: quel cun ses chaun e quel cun sia luschezza. E mai aveva el engaschè per ch'i vegnia enconuschent enturn ed enturn ch'il chaun aveva survegnì tissi. Sa chapescha ch'el ha pretendì da mai da taschair. El ha er pajà ina bella summa persunter – cun quests daners avess jau pudì cumprar in pèr chauns da razza ... betg che jau taschess pervia da daners: el m'ha stui ..... da mai pli tissientar ni in chaun ni insatgi auter ...*

**Pledadra/pledader:** *Enavos en biro ha Baseli prendì schampagn or da la frestgera. (i vegn avert il schampagn e derschi en ils magiels)*

**Baseli:** Quai has ti fatg stupent, Xena! Schlià l'emprim cas en dus dis, uschè spert n'è gnanc Sherlock ..... !

**Xena:** Sherlock Holmes è ina figura fictiva – ed el n'ha era betg Baseli Cafoghel sco cussegliader!

**Baseli:** Ma tge cussegl hai jau pomai dà? Jau n'hai gea gnanc pudì raquintar mia istorgia.

**Xena:** Ti has ditg ch'i sajan forsa stads tut ils vischins – ed jau hai pensà: tuts u forsa er nagin! Ed ina detectiva suonda ses instinct!

**Pledadra/pledader:** *Nus avain anc fatg intginas giadas viva. Schampagn na gusta dentant er betg meglier, sch'ins ha schlià in emprim cas. Persunter ha Baseli laschè persvader da midar l'inserat en la gasetta – malgrà ch'el ha manegià, ch'il mund dovria gist ina detectiva cun ferma bratscha! Ma l'inserat duaja gea procurar per lavur e betg per fastidis: chauns morts na giappon betg! E detectivas senza lavur na pon betg morder – uschè simpel è quai!*

## Soluziun

**Pledadra/pledader:** *I va adina tgunsch, sch'ins prenda a mauns ina nova lavur – uschia sun jau ida plain schlantsch en mes nov biro. El sa chattava al **plaunterren** da la chasa, nua che Baseli Cafoghel aveva sia pratica **d'advocat**. Baseli era mes partenari, el aveva manegià da magari pudair duvrar ina **detectiva** per far retschertgas tar in da ses cas, uschia che nus avevan gist avert in biro da detectivs – cun mai sco detectiva. Ma **l'emprim** di n'hai jau betg spetgà blera lavur.*

*Sco emprim hai jau controllà mes **mails** – ma l'inserat che Baseli aveva publitgà ier en la **gasetta** n'aveva anc betg gi' effect. Nagin n'aveva reagì sin l'annunzia:*

*“Dovras ina **detectiva** cun ferma **bratscha**?”*

*T'annunzia tar **Xena Ruinatscha!**”*

**Xena:** *(prenda giu il telefon) Ruinatscha! (pausa) Cun ferma **bratscha**, gea! (rir ironic - pausa, lura vilentada) Na, jau na gid betg a midar **chasa!** (penda si) Quest stoda inserat! Jau avess fatg meglier da betg tadlar sin **Baseli**, quel advocat da la bell'aura! Quel n'ha nagin'idea da **reclama** ...*

**Xena:** *(prenda giu il telefon) Pel **diavel!** Jau hai bain ditg che jau ... aha, gea, Ruinatscha, la detectiva, perstgisai. Sa chapescha. Na, na, ina malchapientscha ...*

**Pledadra/pledader:** *Malgrà mias **smaladicziuns** eri gartegià da persvader l'um al telefon da mias qualitäts – mes emprim client. Igl ha fatg la parita dad esser ina lavur **simpla** – l'entschatta è dentant stada tut auter ch'in bel guardar ...*

*Mes client m'ha mussà il cadaver da ses **chaun** – in doberman che fascheva davairas nauscha figura.*

**Client:** *Insatgi ha dà tissi a **Cuno** oz en damaun!*

**Xena:** *Lais betg ir cun Voss chaun tar in veterinari? Forsa n'è el betg vegnì tissientà, ma mort d'insatge auter ...*

**Client:** *Mort d'insatge auter – ma da tge pomai? Jau n'hai betg engaschè Vus per far da sabiutta, mabain per **sclerir** tgi che ha dà tissi a mes chaun!*

**Pledadra/pledader:** *Damai che l'onurari n'era betg mal e ch'jau na leva betg gia tagnar tar mes emprim cas, sun jau ma messa a la tschertga da fastizs. En il cup da magliar dal chaun eran anc restanzas, e tranter quell'as propi tissi, quests graunins blau stgirs che tut quels han a chasa, als quals gia il pled **“mieur”** u **“ratun”** fa tut pel-giaglina ...*

*Il possessur dal chaun n'ha betg pudì dir, tgi che pudess esser stà il malfatschent, uschia hai jau discurrì l'entir di cun ils vischins. Ina lavur malempernaivla, oravant tut perquai che nagin na pudeva savurar ni chaun ni possessur. Ina dunna pli veglia ha manegià ch'ella saja cuntenta ch'il chaun saja davent.*

**Dunna veglia:** Vus stuais savair, quest chaun marsch giappava l'entir benedì di – ed il mender: el fascheva sia fatschenta en mes iert!

**Xena:** Na vegn betg ad esser! Ma forsa che cac chaun ha in effect positiv sin il svilup da la salata!

**Dunna veglia:** Tgi sa, ma mia salata crescha era uschia stupent – saja sco ch'i veglia, quest chaunochel na vegn mai pli a mulestar insatgi!

**Pledadra/pledader:** *Il chaun era crappà, ils vischins cuntents ... ed il tissi era il sulet fastiz – in fastiz che na manava nagliur. Betg gist bunas premissas per l'emprim di da lavur d'ina detectiva!*

**Baseli** era tut intgantà che jau aveva gia chattà lavur. El ha fatg ina visita per baiver in café – avant che sa deditgar a sia professiun sco advocat. Jau hai raquintà ad el las novitads dal di avant.

**Baseli:** Lura bain, sche Ti es vi da schliar l'emprim cas. (baiva café)

**Xena:** I n'è betg simpel. Jau n'hai betg idea tgenin dals vischins che avess pudì dar tissi al chaun!

**Baseli:** Forsa èn er stads tuts ensemen – per uschè dir: in'acziun comunabla. Cura che vischins èn nars, vegnan els sin da tuttas sorts ideas ... jau sai anc avant in pèr onns, cura che jau abitav'anc a ...

**Xena:** Baseli, jau n'hai betg peda, jau stoss ir!

**Baseli:** Ma ti es gea gist pir vegnida, Xena, tes café ...

**Pledadra/pledader:** *Jau n'hai betg pudì star e tadar ina da sias istorgias da pli baud – quai cuzzava adina in zic memia ditg per mes gust. E dal rest aveva el gi in bun patratg – jau stueva immediat far ina visita a mes client ...*

*Malgrà ch'ils vischins avessan gi buns motifs da tissientar il chaun, pareva quai a mai tuttenina in pau absurd. Absurda era dentant er tschella varianta, ma mes instinct m'ha ditg da gist confruntar mes client cun mia idea.*

**Xena:** Daco avais Vus tissientà Voss chaun?

**Client:** Jau ... Daco savais Vus quai?

**Xena:** Jau sun detectiva – avais gia emblidà?

**Client:** Ma Vus essas gea anc noviza – ed jau hai pensà ch'ina detectiva cun ferma bratscha haja forsa pauc en il chau ...

**Xena:** Jau vi be savair il **motiv**, lura savain nus laschar per bun – ed jau desist da mussar quant ferma che mia bratscha è propi!

**Client:** Savais, quest chaun giappava l'entir temp – ins vegniva mez or da la suna. Tut mes vischins han ditg che jau duaja laschar **durmentar** el. Jau hai adina ditg che jau vegnia da dressar il Cuno, ma el na chalava betg cun ses giappim ...

**Pledadra/pledader:** *Per betg stuair conceder ch'el haja **disditg**, ha mes client lura duvrà tissi – ed ha uschia schlià dus problems en ina: quel cun ses chaun e quel cun sia luschezza. E mai aveva el engaschè per ch'i vegnia enconuscent enturn ed enturn ch'il chaun aveva survegnì tissi. Sa chapescha ch'el ha pretendì da mai da taschair. El ha er pajà ina bella summa persunter – cun quests daners avess el pudì cumprar in pèr chauns da razza ... betg che jau taschess pervia da daners: el m'ha stuì **empermetter** da mai pli tissientar ni in chaun ni insatgi auter ...*

**Pledadra/pledader:** *Enavos en biro ha Baseli prendì schampagn or da la frestgera. (i vegn avert il schampagn e derschi en ils magiels)*

**Baseli:** Quai has ti fatg stupent, Xena! Schlià l'emprim cas en dus dis, uschè spert n'è gnanc Sherlock **Holmes**!

**Xena:** Sherlock Holmes è ina figura fictiva – ed el n'ha era betg Baseli Cafoghel sco cussegliader!

**Baseli:** Ma tge cussegl hai jau pomai dà? Jau n'hai gea gnanc pudì raquintar mia istorgia.

**Xena:** Ti has ditg ch'i sajan forsa stads tut ils vischins – ed jau hai pensà: tuts u forsa era nagin! Ed ina detectiva suonda ses instinct!

**Pledadra/pledader:** *Nus avain anc fatg intginas giadas viva. Schampagn na gusta dentant er betg meglier, sch'ins ha schlià in emprim cas. Persunter ha Baseli laschè persvader da midar l'inserat en la gasetta – malgrà ch'el ha manegià, ch'il mund dovria gist ina detectiva cun ferma bratscha! Ma l'inserat duai gea procurar per lavur e betg per fastidis: chauns morts na giappan betg! E detectivas senza lavur na pon betg morder – uschè simpel è quai!*

## XENA RUINATSCHA, UNITAD NR. 2: GUDAGNAR A TUT PRETSCH



### 1. «TGE?»: CUNTEGN

<b>Med / material:</b>	<b>Tadlar / leger / tematisar il rg:</b>	<b>Temp:</b>
DC Xena Ruinatscha, fegl da lavur, fegl da soluziun	tadlar	20 min.



### 2. «PER TGE?»: FINAMIRA(S)

<b>Finamira(s) approximativa(s):</b>	<b>Finamira(s) precisa(s):</b>
S exerciteschan lur abilitad auditiva.	S taidlan attentamain l'aventura da Xena e fan stim dal cuntegn.
S distinguan tranter in'expressiun che correspunda al text ed in'expressiun che na correspunda betg al text.	S sa regordan dal text udi e schlian las dumondas dal fegl da lavur.



### 3. «CO?»: DECURS DA L'UNITAD

<b>Temp:</b>	<b>Decurs:</b>	<b>Metoda:</b>	<b>Material:</b>
11 min.	S taidlan attentamain l'aventura da Xena "Gudagnar a tut pretsch".	tadlar	DC – Xena Ruinatscha
5 min.	S survegnan il fegl da lavur e distinguan tranter l'expressiun che correspunda al text e quella che na correspunda betg al text (far ina crusch tar la dretga expressiun).	lavor individuala	fehl da lavor
4 min.	Correctura communabla dal fehl da lavor.	plenum	fehl da soluziun



## Dretg u fauss?

(Fa ina crusch tar la dretga expressiun)

- I n'è gea betg uschia che mammas n'han nagut auter che ballape en il chau.
- Igl è uschia che mammas han sulettamain il ballape en il chau.
  
- Suentier che jau sun stada tar mia clienta, hai jau infurmà Baseli che jau saja davent damaun.
- Avant che jau sun ma messa sin via tar mia clienta, hai jau anc infurmà spert Baseli che jau saja davent.
  
- Has in privel che smanatscha - cloma Xena Ruinatscha!
- Has in chaun che smanatscha - cloma Xena Ruinatscha!
  
- Quai è tragic. Ma tge poss jau far per Vus? Jau sun detectiva e betg media!
- Quai è tragic. Tge poss jau far per Vus? Jau sun detectiva ed ina buna media!
  
- La mamma ha fatg ina impressiun nuncredibla, che jau hai gì dubis ch'insatge na saja betg en urden.
- La mamma ha fatg ina impressiun uschè credibla, che jau n'hai betg gì dubis ch'insatge na saja betg en urden.
  
- Ed ils juniors parevan propi dad esser proporziunads in pau curius per giuvens da sedisch onns.
- Ed ils juniors parevan propi dad esser proporziunads fitg bain per giuvens da deschset onns.
  
- Il trenader ha gì plaschair d'avair aspectaturs durant il trenament.
- Il trenader n'ha betg gì plaschair d'avair aspectaturs durant il trenament.
  
- Ed i m'ha fatg la parita dad esser in trenament tut spezial.
- Ed i m'ha fatg la parita dad esser in trenament tut normal.
  
- Quella pulvra fascheva il té da pausa uschè spezial.
- Quella pulvra fascheva il té da pausa uschè grondius.
  
- Fa quint, sche giugaders da l'equipa naziunala svizra prendessan er talas substanzas!
- Has gia dudi: ils giugaders da l'equipa naziunala svizra prendan er talas substanzas!

## Dretg u fauss? - **SOLUZIUNS**

- I n'è gea betg uschia che mammas n'han nagut auter che ballape en il chau.
- Igl è uschia che mammas han sulettamain il ballape en il chau.
  
- Suentar che jau sun stada tar mia clienta, hai jau infurmà Baseli che jau saja davent damaun.
- Avant che jau sun ma messa sin via tar mia clienta, hai jau anc infurmà spert Baseli che jau saja davent.
  
- Has in privel che smanatscha - cloma Xena Ruinatscha!
- Has in chaun che smanatscha - cloma Xena Ruinatscha!
  
- Quai è tragic. Ma tge poss jau far per Vus? Jau sun detectiva e betg media!
- Quai è tragic. Tge poss jau far per Vus? Jau sun detectiva ed ina buna media!
  
- La mamma ha fatg ina impressiun nuncredibla, che jau hai gi dubis ch'insatge na saja betg en urden.
- La mamma ha fatg ina impressiun uschè credibla, che jau n'hai betg gi dubis ch'insatge na saja betg en urden.
  
- Ed ils juniors parevan propi dad esser proporziunads in pau curius per giuvens da sedisch onns.
- Ed ils juniors parevan propi dad esser proporziunads fitg bain per giuvens da deschet onns.
  
- Il trenader ha gi plaschair d'avair aspectaturs durant il trenament.
- Il trenader n'ha betg gi plaschair d'avair aspectaturs durant il trenament.
  
- Ed i m'ha fatg la parita dad esser in trenament tut spezial.
- Ed i m'ha fatg la parita dad esser in trenament tut normal.
  
- Quella pulvra fascheva il té da pausa uschè spezial.
- Quella pulvra fascheva il té da pausa uschè grondius.
  
- Fa quint, sche giugaders da l'equipa naziunala svizra prendessan er talas substanzas!
- Has gia dudi: ils giugaders da l'equipa naziunala svizra prendan er talas substanzas!

## XENA RUINATSCHA, UNITAD NR. 3: DOPING



### 1. «TGE?»: CUNTEGN

<b>Med / material:</b>	<b>Tadlar / leger / tematisar il rg:</b>	<b>Temp:</b>
Fegl d'infurmaziun "Doping", fegl da lavur (vocabulari), Pledari Grond u vocabulari rg-tudestg, projectur	leger	40 min.



### 2. «PER TGE?»: FINAMIRA(S)

<b>Finamira(s) approximativa(s):</b>	<b>Finamira(s) precisa(s):</b>
S s'infurmeschan davart il tema doping.	S legian il text d'infurmaziun.
S chapeschan bain il text (M declera pleds difficils) e raquantan da cas concrets actuals.	S s'expriman a bucca en moda critica areguard il tema doping (ev. exempels).



### 3. «CO?»: DECURS DA L'UNITAD

<b>Temp:</b>	<b>Decurs:</b>	<b>Metoda:</b>	<b>Material:</b>
10 min.	S legian communablamain il text d'infurmaziun "Doping". M declera il text fitg exact, perquai ch'el è relativamain pretensius.	plenum	fegl d'infurmaziun "Doping"
10 min.	Tematisar l'ultima part: pertge prendan sportistas e sportists doping? <i>Tge è voss avis? Chapis vos pertge ch'ina sportista u ch'in sportist prenda doping?</i>	plenum	fegl d'infurmaziun "Doping"
5 min.	S legian anc ina giada il text e sutlingeschan pleds grevs. M gida a selecziunar tgenins pleds sutlingiads che vegnan scrits sin il FL (vocabulari).	lavor da partenadi	fegl d'infurmaziun "Doping"
10 min.	S scrivian ils pleds sutlingiads sin il fegl da lavur e consulateschan il pled tudestg en il vocabulari u en il Pledari Grond.	lavor da partenadi	fegl da lavur (vocabulari)
5 min.	Curreger communablamain ils pleds cun agid dad ina folia, complettar pleds betg chapids sin las lingias restantas.	plenum	fegl da soluziun, projectur

# Doping

## Tge è doping?

Il doping è il diever u l'abus da substanzas u medicaments cun l'intent d'augmentar artificialmain las prestaziuns sportivas. Per pudair controllar sche sportistas e sportists han prendì substanzas da doping, han ins fixà tut las substanzas activas sco er las modas da proceder sin ina uschenumnada glista da doping. Quella glista da doping è internaziunala. Ella vegn adina puspè cumplettada. Ina sportista u in sportist è culpant da doping, sch'ins chatta en ses corp substanzas numnadas sin la glista da doping. Persunas che fan concurrenz da sport èn er culpantas, sch'ellas refusan ina controlla da doping.

Ins differenziescha tranter trais gruppas da doping:

- **substanzas activas nunlubidas** (narcotica, anabolica, ormons da peptid)
- **metodas nunlubidas** da las qualas ins po far diever per augmentar la prestaziun (aument da la capacita da transport da l'oxigen)
- **substanzas activas che èn sutmessas a tschertas restricziuns** (alcohol, marihuana, cocain)



*Preparats u medicaments che cuntengnan substanzas nunlubidas – pia doping*

## La controlla da doping

I dat duas metodas da controlla, numnadamain la controlla durant ina concurrenza da sport (p.ex. l'olimpiada) e la controlla durant il trenament. La controlla durant ina concurrenza verifitgescha ch'ina sportista u ch'in sportist n'haja betg prendì substanzas activas curt avant u durant la concurrenza.

La controlla durant il trenament verifitgescha ch'ina sportista u ch'in sportist n'haja betg sa preparà per la concurrenza cun metodas nunlubidas ed haja chalà da prender talas substanzas curt avant la concurrenza per ch'ins na las possia betg pli demussar en cas d'ina controlla durant la concurrenza.

## **Las consequenzas en cas da doping**

Sch'insatgi vegn traplà sin il fatg d'avair prendì doping, ha quai consequenzas. Las sancziuns per surpassaments da las reglas èn dapertut las medemas. Tut tenor tge substanzas ch'ins ha prendì, datti in'admoniziun u in scumond da sa participar a las concurrenzas da sport per almain 2 onns. Vitiers paja la sportista u il sportist savens ina multa.

En ils blers pajais n'è doping betg in malfatg. Il malfatg è da dar vinavant substanzas da doping. Quel malfatg vegn sancziunà tras ina multa u tras in chasti che privescha da la libertad da fin a trais onns.

## **Ilis ristgs da prender doping**

Ina sportista u in sportist ristga bler cun prender doping. Ins po differenziar tranter trais gruppas da ristg: il ristg da vegnir tschiffà, il ristg ch'il doping chaschuna a lunga vista donns en il corp ed il ristg che doping chaschuna ina flaivlezza mumentana.

Prender regularmain doping donnegescha il corp. Mintga sostanza activa ha in effect secundar al qual ins na sa betg prevegnir, sco per exempel depressiuns, pressiun da sang (auta), infarct dal cor.

Il corp pretenda er adina pli auts concentrats da sostanza activa per cuntanscher la medema prestaziun. Uschia vegn il corp ruinà per vita duranta.

## **Pertge prendan sportistas e sportists doping?**

Ozendi èn sportistas e sportists exposts ad ina gronda pressiun. La societad pretenda dad els ina buna prestaziun. Sper la pressiun da la societad èn sportistas e sportists exposts ad ina gronda pressiun da vart da lur sponsurs. Ilis sponsurs pretendan prestaziun sco recumpensa per il sustegn finanziel ch'els porschan. Gudagnar munta adina er survegnir daners ed uschia cuntanscher ina segirada finanziaria.

Vitiers vegnan arguments sco vulair esser ina da las meglras u in dals megliers ed avoir in grond renum. Bleras sportistas e blers sportists èn fixads be sin il sport. Per els na datti naginas alternativas tar il sport, uschia che la pressiun crescha ad in crescer. Tut quels motifs pon effectuar a la fin che sportistas u sportists emprovan da schliar lur problems prendend substanzas da doping.



## Vocabulari tar il text doping - soluziuns

### rumantsch grischun

### tudestg

augment da prestaziun

Leistungssteigerung

metodas nunlubidas

unerlaubte Methoden

substanz activa

Wirkstoff

moda da proceder

Vorgehensweise

refusar insatge

etwas ablehnen

auzament da la capacidad da transport

Steigerung der Transportkapazität

restricziun

Einschränkung

la sancziun

die Strafe

la multa

die Geldstrafe

chasti che privescha da la libertad

Freiheitsstrafe

effect secundar

Nebenwirkung

infarct dal cor

Herzinfarkt

concentrat

Konzentrat

segirada finanziaria

finanzielle Absicherung

.....

.....

.....

.....

.....

.....

.....

.....

## XENA RUINATSCHA, UNITAD NR. 4: IL RIMNADER DA GLIMAJAS (LINDORNAS)



### 1. «TGE?»: CUNTEGN

<i>Med / material:</i>	<i>Tadlar / leger / tematisar il rg:</i>	<i>Temp:</i>
DC Xena Ruinatscha, fegl da lavur, fegl da soluziun	tadlar	20 min.



### 2. «PER TGE?»: FINAMIRA(S)

<i>Finamira(s) approximativa(s):</i>	<i>Finamira(s) precisa(s):</i>
S distinguan las personas e lur activitads.	S collian la persona cun l'activitad correspudenta.
S reformuleschan cun agens plects il text udi.	S raquintan l'aventura da Xena.



### 3. «CO?»: DECURS DA L'UNITAD

<i>Temp:</i>	<i>Decurs:</i>	<i>Metoda:</i>	<i>Material:</i>
10 min.	S survegnan il fegl da lavur "Tgi fa tge?". Durant tadlar l'aventura da Xena mettan ellas/els las cruschs al dretg lieu.	tadlar	fehl da lavur DC da Xena
5 min.	Curreger communablamain il pensum.	plenum	fehl da soluziun
5 min.	S taidlan (ev. anc ina giada) e raquintan l'aventura da Xena.	raquintar	





## Soluziun

**Pensum:** Tge persuna fa tge? Noda cun ina crusch (x) tge chavazzin che correspunda a tge persuna.

Taidla bain l'aventura da Xena.

	malacolog	indriz d'alarm	praschun	pitgar cun la scua	engular lindornas	pli gugent salips	“coola sco glatscha”	assassin/ morder	dapli interess per lindornas che per la dunna
Dunna Studer			x	x				x	
Signur Casti	X				x				x
Client	x	X							x
Baseli				x		x			
Xena							x		

## XENA RUINATSCHA, UNITAD NR. 5: IL PLAZ STRIUNÀ



### 1. «TGE?»: CUNTEGN

<b>Med / material:</b>	<b>Tadlar / leger / tematisar il rg:</b>	<b>Temp:</b>
DC Xena Ruinatscha, quadern/ fegl da sboz, fegl per il text curregi	tadlar	ca. 2 lecziuns



### 2. «PER TGE?»: FINAMIRA(S)

<b>Finamira(s) approximativa(s):</b>	<b>Finamira(s) precisa(s):</b>
S approfundeschan il text auditiv.	S inditgeschan chavazzins tar l'emprima part da l'aventura da Xena.
S formuleschan cun agens plets ina finiziun tar l'aventura da Xena.	S scrivan ina finiziun.



### 3. «CO?»: DECURS DA L'UNITAD

<b>Temp:</b>	<b>Decurs:</b>	<b>Metoda:</b>	<b>Material:</b>
10 min.	Tadlar 2 u 3 giadas las emprimas 2:50 min. da l'aventura "Il plaz striunà". S fan insaquantas notizias dal cuntegn.	tadlar	DC da Xena, cedel da notizias
Ca. rest da la lecziun	S scrivan la finiziun da l'aventura da Xena en il quadern da rumantsch.	lavor quieta	quadern da rumantsch
10-15 min.	Tadlar l'entira aventura da Xena Ruinatscha. M: <i>Tge manegiais vus da la finiziun?</i> Cumparegliar: trumpadas/trumpads?	tadlar/tematisar	DC da Xena
	S scrivan da bel il text curregi da M (ev. pensum da far a chasa).		fehl per scriver da bel

## Il plaz striunà

Ch'i saja prest il prim d'avust, hai jau remartgà, cura che Baseli m'ha clamà en ses biro. El stoppia mussar insatge, ed i pareva dad esser ina chaussa zunt interessanta. Baseli era numnadamain tut alterà.

**Baseli:** N'è quai betg fantastic?

**Xena:** Ma tge pomai?

**Baseli:** Là, sin maisa, mia racheta dal prim d'avust! Igl è il model X4-C5, ins numna questa racheta er la racheta Harry Potter, perquai ch'ella è magica!

**Xena:** Ti laschas ir rachetas il prim d'avust? Quai n'avess jau betg pensà da tai!

**Baseli:** Atgnamain betg, ma la racheta Harry Potter – jau n'hai betg pudì resister da la cumprar.

Baseli ha anc raquintà in quart d'ura da questa racheta magica – magica, perquai che mintgina saja outra, ed en mintga cas sensaziunala. Rachetas n'interessavan betg mai, ma jau hai tuttina tadlà las paraulas da Baseli ... Jau n'aveva nagut auter da far. Er detectivas sentan il temp da vacanzas.

I n'è dentant stà nagut cun ir a far bogn il suentermezdi. In emploià communal ha telefonà. El duvrava mes agid. I n'ha dà nagut auter che da sa metter sin via en direcziun d'in bajetg grisch enstagl da pudair far bogn en l'aua frestga.

**Client:** Sco che Vus savais forsa avain nus mintg'onni in bel fiu dal prim d'avust – e quai vulain nus er porscher quest onni. E jau hai legì Voss inserat: Es fin culiez en la buatscha, cloma Xena Ruinatscha ...

**Xena:** Gea, gea, quai ha mes collega publitgà en la gasetta, quest sterl. Ma basta, co poss jau gidar? Jau sun detectiva e betg lavurera da guaud!

**Client:** Sa chapescha – nus duvrain era Voss servetschs da detectiva. Nossa laina per il fiu dal prim d'avust svanescha adina!

**Xena:** Sapperlot, laina che svanescha è propi laina extraordinaria!

**Client:** Gea, trais gia avain nus ussa fatg in bel mantun en il lieu nua ch'il fiu duai arder – mo l'auter di è la laina mintgamai svanida. Noss lavurer communal ha observà tut duas giadas, ed el ha ditg che la laina svaneschia simplamain uschia – quest plaz è striunà! Nagin na ristga pli da s'avischinar al lieu!


.....

.....

.....

.....

.....





## XENA RUINATSCHA, UNITAD NR. 6: LA BANDA DA LADERS



### 1. «TGE?»: CUNTEGN

<i>Med / material:</i>	<i>Tadlar / leger / tematisar il rg:</i>	<i>Temp:</i>
DC Xena Ruinatscha, fegl da lavur, fegl da soluziun	tadlar/tematisar	25 min.



### 2. «PER TGE?»: FINAMIRA(S)

<i>Finamira(s) approximativa(s):</i>	<i>Finamira(s) precisa(s):</i>
S distinguan tranter peds che vegnan avant e tals che na vegnan betg avant en il toc auditiv.	S suttastritgan sin il fegl da lavur ils peds remartgads.
S cumpareglian peds en rg cun tals da lur idiom.	S transponan peds udids en rg en lur idiom.



### 3. «CO?»: DECURS DA L'UNITAD

<i>Temp:</i>	<i>Decurs:</i>	<i>Metoda:</i>	<i>Material:</i>
8 min.	S survegnan in fegl da lavur. Durant tadlar l'aventura da Xena suttastritgan S tut ils peds che vegnan avant en l'aventura da Xena.	lavor individuala	fehl da lavor DC da Xena
5 min.	Il fehl da lavor vegn curregi communitablamain: S legian mintgamai in pled e din sch'el è vegni avant en l'aventura u betg.	plenum	fehl da soluziun
8 min.	S elegian or dals peds suttastritgads 5 peds ch'èn auters en lur idiom. S noteschan quels sin la part dus dal fehl da lavor. Tar mintga pled scrivon S sin la lingia daspera il pled en lur idiom.	lavor individuala	fehl da lavor
4 min.	Rimnar ils resultats.	plenum	

## Tgenins plets tutgan tar il text?

**Pensum:** *Suttastritga tut ils plets che vegnan avant en l'aventura da Xena.*

fadia – violaziun d'ina cunvegnientscha – vacanzas – vestgì da coctail – bogn  
avert – buob – numer da code – struclada – vitg – tastga – erva da muntogna  
– curren – sulegl – tschiffar – plat – superfizial – engular – grond – blets  
visitaders – geniturs – star mal – mail – compassiun – sirup d'ampuaunas –  
firmament – tschiel – guardiabogn – butia – jogurt – alteraziun – l'uffant – kino  
– giuvenot – luc – canaglia – streglia – lavachau – morder – il medem – polizia  
– istorgia – interessanta missiun – danovamain – nairas uras – novitad – staila  
– opiniun – butia da telefonins – reclama – taxa progressiva – spetgar – svelt  
– bun di bun onn! – zup – totalmain – svanir – tensiun – rigurus – nagina  
schanza – chasti – scappar – rir – ferma bratscha – tensiun – arrestar – banda  
da laders – viaduct – vibraziun – plan – partir la premia – lader – lindornas –  
detectiv – frajas – computer – mar – insla – arsentada dal sulegl – balcon –  
hectica da la vita – autos – velo

**2)**

<b>rumantsch grischun</b>	<b>idiom</b>



## Soluziun

fadia – violaziun d'ina cunvegnientscha – **vacanzas** – vestgì da coctail – **bogn avert** – **buob** – numer da code – struclada – vitg – **tastga** – erva da muntogna – **currer** – **sulegl** – **tschiffar** – plat – superficial – **engular** – grond – bliers visitaders – **geniturs** – **star mal** – mail – **cumpassiun** – sirup d'ampuaunas – firmament – tschiel – **guardiabogn** – **butia** – jogurt – **alteraziun** – l'uffant – kino – **giuvenot** – luc – **canaglia** – **streglia** – lavachau – morder – **il medem** – **polizia** – **istorgia** – **interessanta missiun** – danovamain – **nairas uras** – novitad – staila – opiniun – **butia da telefonins** – **reclama** – taxa progressiva – **spetgar** – **svelt** – bun di bun onn! – **zup** – totalmain – **svanir** – tensiun – rigurus – **nagina schanza** – chasti – **scappar** – **rir** – **ferma bratscha** – tensiun – **arrestar** – **banda da laders** – viaduct – vibraziun – **plan** – **partir la premia** – **lader** – glimajas – **detectiv** – frajas – computer – **mar** – insla – **arsentada dal sulegl** – **balcun** – **hectica da la vita** – autos – velo

## XENA RUINATSCHA, UNITAD NR. 7: IL STGAZI



### 1. «TGE?»: CUNTEGN

<i>Med / material:</i>	<i>Tadlar / leger / tematisar il rg:</i>	<i>Temp:</i>
DC Xena Ruinatscha, fegl da lavur, fegl (folia) da soluziun	tadlar	35 min.



### 2. «PER TGE?»: FINAMIRA(S)

<i>Finamira(s) approximativa(s):</i>	<i>Finamira(s) precisa(s):</i>
S chapeschan l'aventura da Xena Ruinatscha.	S respundan endretg a las dumondas dal FL.
S repondereschan las respostas dal conscolar u da la conscolara.	S controllan il fegl dal conscolar u da la conscolara.



### 3. «CO?»: DECURS DA L'UNITAD

<i>Temp:</i>	<i>Decurs:</i>	<i>Metoda:</i>	<i>Material:</i>
7 min.	Tadlar l'aventura da Xena "Il stgazi".	plenum	DC – Xena Ruinatscha
8 min.	S respundan a las dumondas.	lavor individuala	fehl da dumondas
10 min.	S barattan il fehl e curregian e cumpletteschan cun rispli il fehl dal conscolar u da la conscolara (cun agid dal DC).	lavor individuala	DC – Xena Ruinatscha
10 min.	S scrivon da bel il fehl (cun agid d'ina folia da soluziun).	lavor individuala	folia da soluziun

## **Il stgazi – Dumondas da cuntegn**

***Tgi ha basegn da l'agid da Xena e pertge?***

.....  
.....

***Pertge n'è Baseli betg in grond agid en il cuvel?***

.....  
.....

***Cumplettescha il nov verset da reclama da Xena:***

Dovras insatgi che va en ina ....., cloma ..... Xena  
Ruinatscha.

***Tgi ha chattà la bara?***

.....  
.....

***Tge vegns ti a savair da la persuna ch'è morta?***

.....  
.....

***Tge animals inscuntra Xena la secunda giada en il cuvel?***

.....  
.....

***Tge scuvra Xena la secunda giada en il cuvel?***

.....  
.....

***Co è l'assassinat succedi?***

.....  
.....

***Cumplettescha il proverbii:***

Has ..... pervi d'in in stgazi, es ti propi in .....

## Soluziun

**Tgi ha basegn da l'agid da Xena e pertge?**

La dunna; ella tschertga ses um che n'è betg turnà da sia tura en in cuvel.

**Pertge n'è Baseli betg in grond agid en il cuvel?**

Baseli ha tema, el è in chajachautschas. El tugna d'avair bletsch ils pes.

**Cumplettescha il nov verset da reclama da Xena:**

Dovras insatgi che va en ina **grotta grischatscha**, **cloma la detectiva** Xena Ruinatscha.

**Tgi ha chattà la bara?**

Baseli

**Tge vegns ti a savair da la persuna ch'è morta?**

Perscrutader da cuvels, el è en tschertga d'in stgazi.

**Tge animals inscuntra Xena la secunda giada en il cuvel?**

Utschels-mezmieur

**Tge scuvra Xena la secunda giada en il cuvel?**

Ramurs da metal. In auter um ch'emplenescha craps traglichants en in satg. L'assassin.

**Co è l' assassinat succedi?**

L'um en il cuvel aveva propri chattà in stgazi ensemen cun ses collega, ma cuntrari a lez na vuleva el betg surdar il stgazi a la vischnanca, mabain vender el sin il martgà nair ed uschia daventar ritg. Or da la dispita en il cuvel era daventà in cumbat, in cumbat mortal.

**Cumplettescha il proverb:**

Has **dispita** pervi d'in stgazi, es ti propri in **tamazi**.

## XENA RUINATSCHA, UNITAD NR. 8: SUPPLEMENT TEATERETS



### 1. «TGE?»: CUNTEGN

<i>Med / material:</i>	<i>Tadlar / leger / tematisar il rg:</i>	<i>Temp:</i>
Teaterets da Xena Ruinatscha	leger	30 min.



### 2. «PER TGE?»: FINAMIRA(S)

<i>Finamira(s) approximativa(s):</i>	<i>Finamira(s) precisa(s):</i>
S s'approximeschan al mund da teater (rollas).	S fan in giu da rollas.
S automatiseschan da leger rumantsch grischun.	S legian currentamain (cun intunaziun) il text.



### 3. «CO?»: DECURS DA L'UNITAD

<i>Temp:</i>	<i>Decurs:</i>	<i>Metoda:</i>	<i>Material:</i>
20 min.	M fa gruppas da 2-4 S. Mintga gruppa survegn in teateret. La gruppa reparta las rollas ed ha 15-20 min. peda per exercitar da giugar il teateret. La gruppa prova da giugar cun buna intunaziun il teateret. S na ston betg savair il text ordadora.	lavor da gruppa	teateret
10 min.	Preschentaziun dals teaterets, tematisar l'intunaziun (critica) dal public.	plenum	

## **1. Chauns morts na giappan betg (3 persunas)**

*Il telefon scalina.*

**Xena:** *(prenda giu il receptur)* Ruinatscha! *(pausa)* Cun ferma bratscha, gea! *(rir ironic - pausa, lura vilentada).*

Na, jau na gid betg a midar chasa! *(penda si il receptur)*. Quest stoda inserat! Jau avess fatg meglier da betg tadlar sin Baseli, quel advocat da la bell'aura! Quel n'ha naging'idea da reclama ...

*Il telefon scalina puspè.*

**Xena:** *(prenda giu il receptur)* Pel diavel! Jau hai bain ditg che jau ... aha, gea, Ruinatscha, la detectiva, perstgisai. Sa chapescha. Na, na, ina malchapientscha.

**Baseli:** Has in emprim client?

**Xena:** Gea, mo jau stoi gist ir, perduna. *(Xena va)*

**Baseli:** Chau e bun success.

**Client:** Insatgi ha dà tissi a Cuno oz en damaun!

**Xena:** Na vulais betg ir cun Voss chaun tar in veterinari? Forsa n'è el betg vegnì tissientà, ma mort d'insatge auter...

**Client:** Mort d'insatge auter – ma da tge pomai? Jau n'hai betg engaschè Vus per far da sabiutta, mabain per sclerir tgi che ha dà tissi a mes chaun!

**Xena:** Jau vi pia guardar tge che jau sai far.

**Dunna veglia:** Vus stuais savair, quest chaun marsch giappava l'entir benedì di – ed il mender: el fascheva sia fatschenta en mes iert!

**Xena:** Na vegn betg ad esser! Ma forsa che cac chaun ha in effect positiv sin il svilup da la salata!

**Dunna veglia:** Tgi sa, ma mia salata crescha er uschia stupent – saja sco ch'i veglia, quest chaunochel na vegn mai pli a mulestar insatgi!

## 2. Il stgazi (2 persunas)

**Baseli:** Xena, jau na crai betg ch'insatgi saja en quest cuvel. Na vulain nus betg turnar?

**Xena:** Nus giain fin ch'il cuvel è a fin! Has puspè tema?!

**Baseli:** Jau? Tema? Na, na, segir betg ... jau e tema, haha! Igl è mo: jau hai bletsch ils pes, geabain, quai èsi!

**Xena:** Chala da tugnar, quai na gida nagut. Sch'ins sto far retschertgas, lura ston ins far quai en urden – er sche la situaziun è mintgatant malempernaivla!

*Il cuvel è grond e bel, e suenter curt temp arrivan els en in lieu da spartiziun. Il cuvel cuntinuescha en duas direcziuns ... Xena va en ina direcziun, Baseli en l'autra. Ma i na va betg ditg che Baseli cloma! Xena curra immediat tar el. Baseli ha chattà l'um da la clienta.*

**Baseli:** Xena, guarda, qua giascha in um per terra ... manegias ch'el saja ...

**Xena:** El na vegn strusch a far in paus en questa posiziun!! Mia clienta na vegn betg ad avoir plaschair ...

**Baseli:** Ed ussa, tge lain far ... quai è gea terribel!! Na gliez, lura pli gugent entupar ina creatira terribla en in guaud, ch'in mort en in cuvel ...

**Xena:** I n'ha dà nagut auter che da clamar la polizia.

### 3. Il rimnader da lindornas (4 persunas)

**Baseli:** Jau hai in nov verset da reclama per tai: “Dovras ina detectiva uschè coola sco glatscha, t’annunzia tar Xena Ruinatscha.”

**Xena:** Cun quest verset pudain nus serrar nossa fatschenta e far intgins dis vacanzas.

*(I splunta. In um da var tshuncanta onns vegn en biro)*

**Client:** Buna saira. Jau tshertg la detectiva Xena Ruinatscha!

**Xena:** Buna saira, jau sun Xena, la detectiva.

**Baseli:** Ed jau sun Baseli, nus partin il biro.

**Client:** As imaginai, insatgi ha engulà mes stgazi! Igl è ina catastrofa ... ils pli bels e rarischens objects èn svanids ... igl è ina catastrofa ...

**Xena:** Rimnais Vus objects d’art?

**Client:** Na, jau rimnel lindornas e glimajas! Jau sun malacolog.

**Xena:** Na vegn betg ad esser! È quai insatge privlus?

**Client:** Na, na! Malacologia è il pled scientific per la scienza da lindornas. E jau aveva ina da las pli bellas e cumplettas collecziuns da lindornas e glimajas ... ed uss è ella davent! Engulada! Igl è ina catastrofa ... ma jau sai tgi che l’ha engulada: in auter malacolog ch’è scuidus sin mai!

**Xena:** Savais Vus tgi ch’i pudess esser stà ?

**Client:** Na, ma jau hai in suspect, mes collega il signur Casti.

*(Xena sa renda tar il signur Casti, ella scalina, ina dunna avra la porta.)*

**Dunna Studer:** Buna saira, tgi essas vus? E tge vulais?

**Xena:** Jau tshertg il signur Casti.

**Dunna Studer:** Quel è vegni assassinà. As pos jau gidar?

**Xena:** Jau avess stuì reglar insatge cun signur Casti – avais Vus chattà lindornas en sia abitaziun?

**Dunna Studer:** Mo chalai cun questas lindornas! L’entira abitaziun è plain lindornas! El aveva pli bler interess da sias lindornas che da mai!

**Xena:** E tgi avais Vus ditg che Vus suspectias sco assassin?

**Dunna Studer:** In auter amator da lindornas! Els dus fevan ina concorrenza, tgi che haja las pli bellas ... sto esser ch’el era uschè scuidus sin mes ami ch’el al ha sturnì!



## XENA RUINATSCHA, UNITAD NR. 9: SUPPLEMENT, VERSET DA RECLAMA



### 1. «TGE?»: CUNTEGN

<b>Med / material:</b>	<b>Tadlar / leger / tematisar il rg:</b>	<b>Temp:</b>
DC Xena Ruinatscha, fegl da lavur, fegl da sboz	scriver	35 min.



### 2. «PER TGE?»: FINAMIRA(S)

<b>Finamira(s) approximativa(s):</b>	<b>Finamira(s) precisa(s):</b>
S vegnan a savair tge ch'ina rima è.	S suttastritgan las finiziuns dals versets.
S creeschon atgnas rimas.	S inventan in verset.



### 3. «CO?»: DECURS DA L'UNITAD

<b>Temp:</b>	<b>Decurs:</b>	<b>Metoda:</b>	<b>Material:</b>
3 min.	M reparta il fegl da lavur. S legian dad aut ils versets da Xena. M gida S a dar in commentari.	plenum	fehl da lavur
12 min.	S suttastritga las finiziuns dals versets da Xena. M fa attent a rima e ritmus.	lavor individuala	fehl da lavur
10 min.	S fan atgnas rimas e versets cun lur agens nums.	lavor individuala	fehl da sboz
10 min.	Tut ils fehls vegnan mess en in rudè. Comunablamain vegnan analisads e selecziunads ils versets. (Van tuts en rima? Constat il ritmus? Tgenin è il meglier? Pertge? Co è quai da far rima?)	discurs en il rudè	fehl da lavur

## In verset da reclama per Xena

*Baseli vul engaschar tai sco detectiva u detectiv. El è plitost in poet da la bell'aura. Gida Baseli a far in verset da reclama per tai.*

### Pensums:

- Suttastritga mintgamai la finiziun dals versets.
- Legia dad aut ils versets da Xena e fa stim dal ritmus.
- Scriva tes num e notescha ca. 10 plets che han la medema finiziun sco quel.
- Elegia trais da quels plets e creescha cun quels in verset da reclama per tai.

Dovras ina detectiva cun ferma bratscha?  
T'annunzia tar Xena Ruinatscha!

Has in privel che smanatscha -  
cloma Xena Ruinatscha!

Dovras ina detectiva uschè "coola sco glatscha"?  
T'annunzia tar Xena Ruinatscha.

Es fin culiez en la buatscha,  
cloma Xena Ruinatscha.

Dovras insatgi che va en ina grotta grischatscha?  
Cloma la detectiva Xena Ruinatscha!

Notescha ca. 10 plets che fineschan medem sco tes agen num:

.....	.....
.....	.....
.....	.....
.....	.....
.....	.....

Prenda in sboz e creescha versets da reclama per tai. Notescha las megras variantas qua sutvart.

## XENA RUINATSCHA, UNITAD NR. 10: SUPPLEMENT, ENGIAVINERA



### 1. «TGE?»: CUNTEGN

<i>Med / material:</i>	<i>Tadlar / leger / tematisar il rg:</i>	<i>Temp:</i>
DC Xena Ruinatscha, engiavinera, fegl da soluziun	repetiziun	15 min.



### 2. «PER TGE?»: FINAMIRA(S)


<i>Finamira(s) approximativa(s):</i>	<i>Finamira(s) precisa(s):</i>
S consolideschan las aventuras da Xena.	S schlian l'engiavinera.



### 3. «CO?»: DECURS DA L'UNITAD

<i>Temp:</i>	<i>Decurs:</i>	<i>Metoda:</i>	<i>Material:</i>
10 min.	S empleneshan l'engiavinera che M reparta. Durant l'emprima fasa lavura mintga S per sasez, durant la secunda fasa pon S sa cussegljar cun la cumpogna/il cumpogn da banc.	lavor individuala	engiavinera
5 min.	S curregian l'engiavinera cun agid d'ina folia da soluziun.	plenum	folia da soluziun

# Engiavinera da Xena Ruinatscha



## Vertical

- 1 Lingua da Xena?
- 2 Num da la racheta magica da Baseli?
- 3 Professiun da Baseli?
- 5 Auter pled per la scienza da lindornas?
- 6 Là han ins chattà in stgazi?

## Orizental

- 4 Titel d'in'aventura da Xena?
- 7 Num da famiglia da Xena?
- 8 En in'aventura da Xena sa tracti da quest sport?
- 9 Cussegliader da Xena?
- 10 Professiun da Xena?
- 11 Animal che vegn avant en in'aventura da Xena?

# Engiavinera da Xena Ruinatscha - Soluziun

